

# INUIT ATAQATIGIIT INATSISARTUNI



UKA2021/018

07. oktober 2021

Hans Aronsen

**Siunnersuutip qulequtaa Inatsisartut nittartagaaniittoq.  
Akileraaruserinermik ingerlatsineq pillugu Inatsisartut  
inatsisaataallanngortinneqarneranik Inatsisartut inatsisaat.**

**(Aningaasaqarnermut Nunamullu Namminermut Naalackersuisoq)**

Naalackersuisut Akileraaruserinermik ingerlatsineq pillugu Inatsisartut inatsisaanni allannguutinik arlaqartunik siunnersuutaannut Inuit Ataqatigiit imatut oqaaseqassaagut.

Meeqqanut aammalu katissimallugu aapparisamut akiliutinik aalajangersaanissaq siunertaralugu Kalaallit Nunaanni akileraartartut pillugit, paasissutissanik nunatsinni akileraaruseriffiup nunani avannarlerni oqartussaasunut avitseqateqarsinnaanera pillugu piginnaatitsissummik. Kiisalu killeqarfiit akimorlugit aaqqissuussinernik immikkullu siunnersortit pisut ilaanni nalunaaruteqarsinnaanerat pillugu malittarisassanik erseqqinnerusunik Naalackersuisut aalajangersaasinnaanerannut piginnaatitsinissamik siunnersuutaasoq taperserparput.

Akilersuititsiniarnermilu ajornartorsiutaasartut soorlumi naalackersuisup akissuteqarnermini taajungaasut ittut aningorniassangaanni ilaatigut piginnaatitaaffiit qiviartariaqalersarneri pisariaqalersorinartarput.

Kingunerisaanillu piginnaatitaaffiit qaangerlugit piumasaqaatinik malitseqartitinnikkut qaangerneqarsinnaalersinneri allaqqukkuminaassinnaarput.

Matumanilu paaserusunnartooq manna qaqilaarusupparput. Aappariit qimassimatillugit aappaasoq aningaasarsiamigut akunnattumi inissisimatillugu

# INUIT ATAQATIGIIT INATSIARTUNI



meeqqanillu arlaqartunik tigummiqartoq akiliisitsiniarnerup kinguneratigut  
nerisassarsiniutissaaruttooratarsinnaammat.

Suliarlu taama isikkoqartillugu Ataatsimiititaliamut susassaqtumut  
ingerlateqqipparput.